



Broj: 01-02-1426/18-3  
Ilidža, 29.03.2018.godine

Na osnovu člana 8. tačka 1. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj 12/03, 34/03, 65/13), tačke III. Odluke o posebnim uslovima za imenovanje predsjednika i dva člana Nadzornog odbora Javnog preduzeća za obavljanje komunalnih i drugih djelatnosti od javnog interesa općine Ilidža „ILIDŽA“ društvo sa ograničenom odgovornošću („Službene novine Kantona Sarajevo“ broj 27/16), na prijedlog Skupštine Javnog preduzeća za obavljanje komunalnih i drugih djelatnosti od javnog interesa općine Ilidža "ILIDŽA" d.o.o., Općinsko vijeće Ilidža na 14. redovnoj sjednici održanoj dana 29.03.2018. godine, donijelo je

**O D L U K U**  
**O OBJAVLJIVANJU JAVNOG OGLASA ZA IMENOVANJE**  
**JEDNOG ČLANA NADZORNOG ODBORA JAVNOG PREDUZEĆA ZA OBAVLJANJE**  
**KOMUNALNIH I DRUGIH DJELATNOSTI OD JAVNOG INTERESA OPĆINE ILIDŽA „ILIDŽA“**  
**DRUŠTVO SA OGRANIČENOM ODGOVORNOŠĆU**

**I. Predmet javnog oglasa**

Ovom Odlukom Općinsko vijeće Ilidža, u svojstvu odgovornog javnog službenika, objavljuje javni oglas za imenovanje jednog člana Nadzornog odbora Javnog preduzeća za obavljanje komunalnih i drugih djelatnosti od javnog interesa općine Ilidža „Ilidža“ društvo sa ograničenom odgovornošću (u daljem tekstu: JP „Ilidža“ d.o.o.).

**II. Opis pozicije**

Nadzorni odbor JP „Ilidža“ d.o.o.:

- predlaže Skupštini donošenje Statuta, njegovih izmjena i dopuna
- priprema poslovničke i druge opće akte i predlaže ih Skupštini,
- priprema Etički kodeks i predlaže ga Skupštini,
- imenuje i razrješava članove Uprave,
- predlaže Skupštini kandidate za Odbor za reviziju,
- razmatra i nadzire postupak javne nabavke i ocjenjuje njegovu usklađenost za pravnim propisima u oblasti javnih nabavki,
- predlaže Skupštini način raspodjele dobiti,
- daje upute direktoru za provedbu preporuka u svezi s uočenim nepravilnostima,
- utvrđuje stimulativne mjere za poboljšanje i vrednovanje u okviru Preduzeća,
- nadzire Upravu u primjeni preporuka danih od strane Odbora za reviziju i vanjskoga revizora u utvrđenim vremenskim rokovima,
- donosi Poslovnik o radu Nadzornog odbora,
- utvrđuje prijedlog godišnjeg, trogodišnjeg, i revidiranog Plana poslovanja, i dostavlja ga Skupštini na odlučivanje,
- usvaja Izvještaj Uprave o poslovanju sa finansijskim izvještajima po polugodišnjem i godišnjem obračunu, sa bilansom stanja i bilansom uspjeha, a na osnovu prethodno datog mišljenja Odbora za reviziju,
- podnosi Skupštini godišnji izvještaj o poslovanju Preduzeća sa finansijskim izvještajem, koji obavezno uključuje Izvještaj revizora, Izvještaj o radu Nadzornog odbora i Odbora za reviziju,
- razmatra prijedlog Uprave o raspodjeli dobiti, a po prethodno datom mišljenju Odbora za reviziju i predlaže Skupštini donošenje Odluke,



- razmatra prijedlog Uprave o načinu pokrića gubitaka a po prethodno datom mišljenju Odbora za reviziju i predlaže Skupštini donošenje Odluke,
- utvrđuje cijenu pratećih usluga koje Preduzeće obavlja.

Rad Nadzornog odbora, pripremanje sjednica, sazivanje, način rada i odlučivanja, uređeni su Poslovníkom o radu Nadzornog odbora.

### III. Mandat

Člana Nadzornog odbora imenuje Skupština JP „Ilidža“ d.o.o. na period do 12.08.2020. godine, sa mogućnošću ponovnog izbora.

Iznos nadoknade za rad člana Nadzornog odbora utvrđuje se odlukom Skupštine JP „Ilidža“ d.o.o.

### IV. Uslovi za pozicije

Kandidati za poziciju člana Nadzornog odbora JP „Ilidža“ d.o.o. moraju ispunjavati sljedeće opće i posebne uslove:

#### **Opći uslovi:**

- da je državljanin Bosne i Hercegovine (dokaz: uvjerenje o državljanstvu)
- da je stariji od 18 godina (dokaz: kopija CIPS-ove lične karte)
- da nije osuđivan za krivično djelo i za privredni prijestup nespojiv sa dužnošću u Nadzornom odboru, 5 godina od dana pravosnažnosti presude, isključujući vrijeme zatvorske kazne i da se protiv njega ne vodi krivični postupak (dokaz: izjava potpisana i ovjerena od strane nadležnog općinskog organa),
- da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od 3 godine prije dana objavljivanja ove upražnjene pozicije (dokaz: izjava potpisana i ovjerena od strane nadležnog općinskog organa),
- da se na kandidata ne odnosi član IX tačka 1. Ustava Bosne i Hercegovine (dokaz: izjava potpisana i ovjerena od strane nadležnog općinskog organa),
- da nije izabrani zvaničnik, nosilac izvršnih funkcija ili savjetnik ili u smislu odredaba Zakona o sukobu interesa u organima vlasti u Federaciji Bosne i Hercegovine ("Službene novine Federacije BiH", broj 70/08) (dokaz: izjava potpisana i ovjerena od strane nadležnog općinskog organa).

#### **Posebni uslovi:**

- da ima visoku stručnu spremu VII stepena, odnosno visoko obrazovanje prvog ili drugog ili trećeg ciklusa Bolonjskog sistema studiranja (dokaz: univerzitetska diploma ili uvjerenje o diplomiranju);
- da ima najmanje tri godine staža u struci (dokaz: potvrda ili uvjerenje);
- da posjeduje znanja i sposobnosti razumjevanja poslovnih izvještaja i poznavanja propisa iz oblasti poslovanja privrednih društava;
- da nema privatni finansijski interes u JP "Ilidža" d.o.o. (dokaz: izjava potpisana i ovjerena od strane nadležnog općinskog organa).

### V. Potrebni dokumenti

Kandidati su dužni na propisanom obrascu prijave, koji je sastavni dio ove odluke, priložiti original dokumente ili ovjerene kopije dokumenata, koji su dokaz o ispunjavanju općih i posebnih uslova traženih ovim oglasom. Obrazac prijave kandidati mogu podići u zgradi Općine Ilidža, Centar za pružanje usluga građanima općine Ilidža, ul. Butmirska cesta br. 12, kao i na web stranici Općine [www.opcinailidza.ba](http://www.opcinailidza.ba).

Kandidat koji bude imenovan na poziciju člana Nadzornog odbora po ovom javnom oglasu, dužan je pribaviti uvjerenje nadležnog suda da nije osuđivan za krivično djelo i za privredni prestup pet godina



od dana pravosnažnosti presude, isključujući vrijeme zatvorske kazne kao i uvjerenje nadležnog MUP-a o nekažnjavanju i isto dostaviti Upravi JP "Ilidža" d.o.o.

## **VI. Objavljivanje i rok za podnošenje prijava**

Ovaj javni oglas objavit će se u "Službenim novinama Federacije BiH", dnevnom listu "Oslobođenje" i web stranici Općine Ilidža.

Rok za podnošenje prijava je 15 dana od dana posljednjeg objavljivanja.

## **VII. Dostava prijava**

Prijave sa potrebnom dokumentacijom mogu se dostaviti u zatvorenoj koverti neposredno putem Centra za pružanje usluga građanima općine Ilidža ili preporučeno poštom na adresu:

*"OPĆINA ILIDŽA - OPĆINSKO VIJEĆE ILIDŽA -  
KOMISIJA ZA IZBOR, IMENOVANJA I PITANJA RAVNOPRAVNOSTI SPOLOVA,  
ul. Butmirska cesta broj 12, 71210 Ilidža  
uz naznaku:*

*"Prijava na javni oglas za imenovanje jednog člana Nadzornog odbora JP "Ilidža" d.o.o. –  
NE OTVARATI".*

Neblagovremene i nepotpune prijave neće se uzeti u razmatranje.

## **VIII. Nadležnost Komisije za izbor, imenovanja i pitanja ravnopravnosti spolova**

Zadužuje se Komisija za izbor, imenovanja i pitanja ravnopravnosti spolova da u skladu sa Zakonom o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj 12/03, 34/03, 65/13) provede navedenim Zakonom propisanu proceduru po ovom javnom oglasu i dostavi Općinskom vijeću prijedlog rang-liste sa najboljim kandidatima za imenovanje jednog člana Nadzornog odbora Javnog preduzeća "Ilidža" d.o.o.

Općinsko vijeće utvrđuje prijedlog za imenovanje jednog člana Nadzornog odbora i dostavlja ga Skupštini JP „Ilidža“ d.o.o. koja vrši konačno imenovanje.

PREDSJEDAVALJUĆI

**Muhamed Omerović**

DOSTAVLJENO:

1. Općinski načelnik
2. JP "Ilidža" d.o.o. – na znanje  
Trg branilaca Hrasnice bb
3. Služba za obrazovanje, kulturu, sport i informisanje
4. Služba za finansije – na znanje
5. Centar za pružanje usluga građanima
6. Za objavu "SNFBiH"
7. Komisija za izbor, imenovanja i pitanja ravnopravnosti spolova
8. WEB stranica Općine Ilidža
9. Evidencija
10. a/a





## OBRAZAC PRIJAVE

\_\_\_\_\_  
(Ime i prezime)

\_\_\_\_\_  
(Adresa – kontakt telefon)

PREDMET: Prijava na Javni oglas za imenovanje jednog člana  
Nadzornog odbora Javnog preduzeća za obavljanje komunalnih  
i drugih djelatnosti od javnog interesa općine Ilidža „Ilidža“

Prijavljujem se na konkurs objavljen dana \_\_\_\_\_ 2018.godine u \_\_\_\_\_ za  
poziciju člana Nadzornog odbora JP „ILIDŽA“ d.o.o.

i o sebi dajem slijedeće podatke:

Rođen-a \_\_\_\_\_ godine u \_\_\_\_\_ Općina \_\_\_\_\_  
stepen stručne spreme – zanimanje \_\_\_\_\_  
zaposlen-a u \_\_\_\_\_ na radnom  
mjestu \_\_\_\_\_

Kraća biografija:

\_\_\_\_\_  
\_\_\_\_\_  
\_\_\_\_\_  
\_\_\_\_\_  
\_\_\_\_\_  
\_\_\_\_\_  
\_\_\_\_\_  
\_\_\_\_\_  
\_\_\_\_\_  
\_\_\_\_\_  
\_\_\_\_\_  
\_\_\_\_\_

**Podnosilac prijave**

\_\_\_\_\_

